

پنجشنبہ سنہ

۸ آگستوس ۱۳۱۲

نومرو ۲۳

۱۱ ربیع الاول ۱۳۱۴

آبونہ بدلی

برسئەك اللی ایکی نسخه سی پوسه  
اجرتیه برار بروجه پیشین ۲۵  
غروش، استانبول ایچون اداره مخا.  
پەن آلتی اوزره ۲۰ غروشه در.

نسخه سی ۲۰ باره در

# معارف

طوغار مهر ترقی عرش اعلا ی معارفدن  
اودر نزهتسرای کائناتی ایلین روشن

اداره خانه سی

باب عالی جاده سنده قصبایر کتبخانه.  
سیدر. رساله یه متعلق کافه مشو.  
لیت و خصوصیات ایچون ( قصبایر  
کتبخانه سنه ) مراجعت اولونور .

نسخه سی ۲۰ باره در

پنجشنبہ کونلری نشر اولونور فنی و ادبی رساله

محرری: ابن رفعت ساع

شپیده دم قونارق بر نهاله مرغ سحر  
اولونجه عالم لاهوتدن پیام آور  
طیور زمزمه پرداز فصل عشق و یاز  
صدای شوق ایله طولدوردی مشجری یکسر  
یتلری ایله باشلایان بر افغمه روحنواز :

ظهوره باشلادی آثار دلشکار طلوع  
قیزاردی کل کبی کیتدکجه جانب خاور  
سماده صفوت منظر، افقده جوشش رنگ  
دکزده جنبش موج کبود نور سحر  
ایلدردی ناطقه بی غرق لجه حیرت  
بو دلپذیر بدایع، بو دلکشا منظر  
بایلدی جوّ هوایه طلیعه انوار  
فضاده قلملادی چند ظلامدن بر اثر  
هزار رنگه بوروندی مثال ابر بهار  
بوتون سحائب پیکر نمای خاکستر  
اوچوق جلالی بر نازینی آکدردی  
ضیای مهره، قابل کلنجه وجه قر  
هزار فوس قرچله ترین ایله ردی  
فضای لایتناهی آجدی روحم بر

کبی بدایع اشعاری محتویدر  
« نه سگ؟ الله ایچین سویله بکای ناز پرورده ! »  
شیده سنک :

یاغارکن صیخدم جوّ هوادن آبرنگ انوار  
ایدرکن مائی سیسارله نرین دامن کهسار  
اولور آهسته آهسته طبیعت، خوابدن بیدار  
یشیل بر نور ایچنده اهتر از ایلهر بوتون اشجار  
خروش شوق ایله باشلار خروس اعلان شادی  
نسیم آوازی نقل ایلهر اطراف بوادی

\*  
\*

ایدر باد صباه نقل سودا نازنین ازهار  
صاچار اطرافنه مائی کوپوکلر جوی خوشرفنار  
قونار اغصان اشجاره طیور آتشین منقار  
جیقار ناعرش اعلایه خروش بانک استغفار  
بو آثار صفائی سیرایچون خورشید کلر خسار  
اودم نازنده نازنده افقندن عرض ایدر دیدار  
پارچه لری بک لطیفدر.

بو عندلیب بلاغتمک یازدینی شیلرک جمله سنده  
بشقه بشقه بر لطافت واردر.

« عربلرک حکایات شاعرانه سی، نامیله یازدینی  
کوچوک حکایه لر عندلیبک اقتدار شاعرانه سنک  
مر آئیدر.

محمد امین



« تورن، دارالفنونی معلماندن « مولشوت »  
« ۱۸۵۲ » سنه سنده تخریر و نشر ایلدیکی « دوران حیات »  
نامنده کی اثرینی تشکیل ایدن فسیولوژی مباحثی اوزرینه  
« لیبیج » قارش یازلش مکتوبلردن بری :  
[ مابعد ]

بو حقیقتک انکشافندن اعتباراً بعد الاحتراق  
اج. امک تناقص وزن اتمه حکم ویردیرن « شتال »  
phogistique سیاله لهبی قطعياً محو و خراب  
اولدی.

شتالک فکر قدیمی بر فنا حکم وظن دن ایلرو  
کلیوب مشاهدات و تجاربک نقصانندن نشأت  
ایدیوردی. فقط بوفکر اساساً کمال تقیدات ایله  
اجرا ایله جک مشاهدات تحتده بولمیه دکزدی.  
بر ماده نک، دروننده بولندینی جسمک تناقص  
وزنی ایجاب اتمه ادراک و اطلاعات بشریه  
مخالف و منافیدر.

سیالہٗ لہبی بولندینی جسمی ترک ایتسی ایله  
جسم متروکک و زنتک ترایدینی موجب اولسی، ماده سز  
برقوت فرض ایتکدر، بو ایسه حقیقته، هیچ  
رمضا افاده ایله یمنز.

طبک، فنونک کافه سندن زیاده کبروده قالدیغندن  
شکایت اولئیوردی. بوکا سبب فن مذکورده مقیاس  
واوزانک عدم استعمالیدر.

اول امرده طاریتیه جق مادهنک طبیعتیه کسب  
وقوف ایتک لازم کلیر. بو طوغریدر. بنابرین  
هرشیدن اول حکمت و کیمیا علما-نک طبه خدمت  
ایتملری مقتضی اولوب بومتکبر حکما، طبک فعلیات  
و خدمتانه نظر حرمتله باقدقوری ایچون تعیب  
و طاشلر، تیمورلر اوزرینه اجرا ایتدکلری  
اطمینان بخش تحریات سایه سنده صاحب حیات  
اجسامک ساحه تجربه دهکی مقاومتسز لکنی برطرف  
ایلملری حسیله لطیف اولغنه کسب استحقاق  
ایدرلر.

کیمیا و حکمت طبیعیهنک ترقیاتندن استفاده  
ایتمین اطبیایه، طیب دکل، عمله نامی ویرلیدر.  
آنلر منتسین قنوندن معدود اولوب هیئت حکام  
اطبیا حضورنده صنعتلرینک موضوعنی تعریفدن  
اظهار عجز ایدرلر.

بالعکس فن طب فنون طبیعیه کشفیاتنی کمال  
تہالکله مدح و ثنا و ایضاح و تشریح قویوله سندن  
ناشی دها زیاده مستحق عتاب و سرزنشدر.  
بومداح کندی خدمت موضوعنک ستایشندن  
کیروسنده قالمالی ایدی.

اطبا یالکز الی سندن ری، اصول و قواعد  
خیالاتی ایچنده اویلا ناجقلمی یرده مواد معلومه نی

ترازو ایله طارته ایدیلر، طب بوکون کورولدیکی  
درجه ده بولغازدی.

لیدخ، مولدر، رنیوات و آندرالک خدماتی  
طانیسان بو الی سنه نک هنوز بدأ ایتش اولدیغنی  
بیلیر.

میزان واسطه سیله، محسولات احتراقک  
طیاره قسمنک مقداری رماد قدر قطعیتله اکلایشیلور.

میزان، حامض قاربونک محسول اساسی احتراق  
اولوب، بر فعالیت خارقه سحر آمیز ایله ایلک بهارده  
صحاری نی رنک حضرا ایله تلون وایکی اوچ یاراقلی  
برغصندن بر اورمان تکوین ایلدیکنی بزه افهام  
ایلر. اگر اورمانده متراکم اودونلری احراق  
ایدرسهک حصوله کلان حامض فخم ترلاریمزک  
اثمارینه طوغری استعجال نمای انتشار اولور.

اورمان هوا و طوبراغک کندیسنه عرض  
ایتدیکی حامض قاربونک کلیشی کوزل زیاده  
بر مقدارده اخذ و قبول ایدمز، هوانک حاوی  
اولدینی مولد الخوضه انجق بر مقدار معین اوزره در،  
بنابرین احتراقه بر حد واردر.

حامض قاربونک مقداری دوام و وسعت  
احتراقه، نباتات حامض قاربونه متوافق اولوب  
مواد اخیرنی دخی اینتک بول وافر ازات سائر  
مفرغه سنده بولورز.

انسانک افراتغنی نباتاتی بیلر، نباتات هوایی  
جوهر اساسیه صلبیه تبدیل ایلدرک نشو و نمای  
حیوانانه خدمت ایدر. آکل اللحوم حیوانات  
آکل النبات اولانلر نایه سنده محافظه حیات  
ایدر.

کافه موادک متقابلاً جاذب و معجذوب بولندینی

## رواح الصباح

[ مابعد ]

[جان] ضم جیم ایله عکبری مرحوم و ایجویه شبیه کوچوک دانه، دیو ایضاح ایدبور.

کتاب لغاتده جان کوموشدن اصاغه اولنش دانه، کوموش بالدیزلری بونجغه و یاخود نسوان عربک سختیانی ایجه ایجه دیلوب رنگا رنگ بونجو قنارله سوسلیوب باشلرینه اورتدکلی ویا بللرینه طاقده قناری شینه دینلیدی و فارسی اولان (کان) کله سندن معرب اولدینی و واحده سی (جانه) کلدیکی مذکوردر.

(جانه) لیدین ربیعة العامرینک معلقات سبعدن اولان منظومه سنک شوییتده مستعملدر:

و تضي فی وجه الظلام منيرة

کجمانه البحری سل نظامها

شارح معلقات امام زوزنی دیرکه: جان و جانه فضه دن اصاغه اولنش دانه در. صوکره ایری ایجوا ایچون مستعار اولدی؛ معربدر. اصلی فارسیدر. کرک شارح کرک کتب لغاتک تصریحی اوزره (وجه الظلام) اول لیل دیمک (اول نهاره) (وجه النهار) دیرلر.

لیدیک (کجمانه البحری) یعنی (البحری) دهرک سائر دانه لرندن تقریبی ایله (صدف بحیرینک دره سی کی) دیمسنه نظراً عکبری مرحوم یوقارو. ده کی ایضاحنده اصابت ایتشددر.

محصول بیت

یاوروسنی سباع قایدینی جهته انی طلب و تحری ایچون متحرک و بیقرار اولان بقره و حشیه نک لون بیاضی دیزیسی بوزلمش ایجو کبی اول ایله تله لا و تنور ایدر.

شوعالده هیچ برشی غائب اولمز. و ماده نک تقداری دائماً ثابت قالیر (زورز فورستر) [۱].

ماده نک مقداری نه تزايد نهده تناسقص ایدمیلوب خواسی دائمی و ابدیدر.

بر وجود حیک هیچ بر خاصه سی یوقدرکه خارجدن کندیشه عناصر صلبه واسطه سیله کله مش اولسون. بوده میزانک موقع ثبوته وضع ایلدیکی خقاقی جمله سندنر.

نباتات و حیوانات انحق محیط خارجیدن استعاره ایلدکلی موادی تبدیل و تحویل ایدرلر. اشجاری نشو و نما ی خصوصیسندنه، آرسلانی مجادلات قهرمانانه سنده کشف و اظهار ایدن کافه قمالیک منشای انلرک عضوینه خارجدن داخل اولان موادک ترکیبات و تحولاتندن عبارتدر.

ماده نامی آلفه کسب استحقاق ایدن بر جسم بو نامده دیگر بر جسمه تحول ایدمیز.

قلو نور. حال طبیعیده بدن انسانیده تصادف ایتدیکمز عناصرک اک آز مقداردده بولنانی اولدینی حالده نه عظام و اسنانده نهده قانده عدم وجودی تصور اولنه میز. تحریات دقیقه سایه سندنه بو جسمی حبوبات ایله سوددن اخذ ایتدیکمزی و قلو نورسز اولان بر غدانک بدنمز ایچون غذای تام عد اولنه میه جفتی بیلیورز.

[ مابعدی وار ]

عنوانه شکری



[۱] زورز فورستر. این بلیقین قانجه در ناتور.